

小倉山房外集

小倉山房外集卷七

補遺

錢唐袁枚子才

代祝兩江節相渤海公七十壽序

蓋聞福者備也爲大順之統名壽者酬也乃至德之協
應在昔金提力牧之佐雄陶方回之臣靡不班序顛毛
榮膺大耋者何哉良以麟鳴遊聖鳳和歸昌含元甲之
尚應中黃之識中天景運生其間者算自長古帝堯期
際其盛者道自合 朝廷雨露卽臣子之丹砂也宰輔
精神皆國家之元氣也則有赤霄冒頂素手擎天蒼龍
作東方之臣汝鳩司北門之會百神薦祉備九德以宮
陰陽萬物棣通先入荒而開壽域者其惟我渤海相公

乎公以旄車之世族降河嶽之星精繡補經撓口成銘
頌履絢冠鉢智極人天泗水分符海陽轉轂遷知幽邑
再守榆林旣觀察於河西遂提刑於山左當是時也任
延年少騎小駟以巡鄉羊續官清衣布袍而問俗夜無
桴鼓合郡安眠路見桑麻使君便笑但招竹馬呼童子
之迎不事銜叅希長官之譽公之志桐鄉渤海皆可終
身若無慕乎三圭之爲重侯九命之稱高爵也然而虞
廷三載已多明試之功漢詔六條自有課最之舉臣如
明月旣鍊魄于金門帝有景風自吹來于天上遂乃
戴雀弁握牙璋擢屏藩兼少府東織西織進堯舜之衣
裳寬鄉狹鄉察楚吳之田賦理賑則澤鴻換色欵關則

英蕩宣風開府皖江軍民有喜色而相告宣防袁浦蛟
魚聽號令而知歸著手成春無思不服天子視公如
龍門之砥柱故命爲制府而仍理河渠信公爲南國之
甘棠故官拜平章而仍持旌節蓋公之遭際有得之於
天者焉公之操修有信之於已者焉今夫日行黃道豈
免躔度之訛星傍紫微尚有縮離之忒公乃半生赤紱
總是恩光一路青雲從無取髮執江南之壤奠不以珍
怪爭長顧北河之夫錢翻以帳台見賞同斷獄也獨信
臯蘇同薦人也不疑蕭葛陳便宜之疏朝乍上而夕行
除科比之條奏未終而詔下三山開府猶攝篆於荆
襄一日登朝便叅謀於樞密祝慈寧之萬壽領袖班

聯。廣。栢。梁。之。首。章。矢。音。丹。陛。長。子。唱。饒。歌。而。返。畫。像。凌
烟。少。君。歌。鹿。鳴。而。來。策。名。京。兆。志。寵。則。銘。鐘。未。盡。紀。勛
則。列。笏。難。書。猗。歟。盛。哉。古。之。名。臣。未。嘗。有。也。然。而。公。抱
姬。旦。窮。窮。如。畏。之。忱。屏。魏。其。沾。沾。自。喜。之。意。耳。鳴。陰。德
坐。薦。謙。哀。脫。帶。常。以。腰。舟。過。人。不。肯。履。影。刺。閩。判。事。高
柔。常。寢。抱。文。書。警。枕。傳。聲。蘇。綽。必。手。兼。朱。墨。曾。爲。牧。令
能。鈇。剗。苛。煩。肯。采。葑。菲。自。張。施。帖。妥。置。札。僑。于。賓。位。辟
召。英。賢。嗇。廉。藺。于。屏。風。協。和。寅。好。百。僚。禮。絕。偏。折。節。於
儒。生。一。品。集。成。尚。傾。心。於。文。史。四。時。無。燕。居。之。樂。終。朝
吹。露。冕。之。風。乘。馬。三。年。不。知。牝。牡。封。侯。數。日。忘。告。妻。孥
惟。其。秉。負。也。誠。故。其。感。應。也。速。不。知。者。以。爲。隔。爐。隔。對。

李鄴侯結主之緣深其知者以爲昏夜焚香趙清獻格
天之道大歲逢冬仲壽屆古稀 天子以正月十二日
爲公豫慶於京師禮也臣思述職上計吏之封章朕欲
見卿健鋒車於日下夔調天臘春滿梅花節近上元燈
排火樹卿雲與佛雲一色文露與武露齊濃帝席星明
大庖早具湯丞官肅上頓方酣九曲明珠穿盡褱衣之
婦萬釘寶帶頰來俠御之臣帽結紅緞似黃人之捧日
裘飄狐腋耐青女之飛霜王會齒成雖馬每牛俱賜
鈞天樂奏晉陽儀伯同歌依龍光者一月有奇頌名
世者五百餘歲車回北關尚帶香烟信到南邦爭傳士
女以歲星之舊地增卿月之新輝嘉禾望氣以穰成德

水未霜而波靜。凡此編氓之福。皆由仁壽之徵。而公方且雪髯不知冰襟如故。料量民隱。謝絕筦絃。高侍中之聰強。几杖虛設。裴晉公之風貌。海鶴同清。常攬揆之時。赴巡河之役。在元老以爲稱觴事。小乘夏筴而四牡仍驅。在蒼生以爲愛日心。長過冬至而一陽始展。某等行居于姓。身隸併幪。逢申伯之生辰。祝魯侯之燕喜。未必邳州進酒。韓稜隔千里而有醉容。且喜祝史陳詞。范武受徽言而無慚色。敬張皇郊聊當悝鐘義。不取諛文皆從實。此日金鵝十二橫。陳畫錦之堂。他年銀管三千再記杖朝之事。

陳涇南修禊詩序

夫芳晨不墜夫昔朝今彥豈殊乎往哲一邱一壑或友
或羣如鐘含霜如水受月是以不學子晉而事同洛濱
之游偶與子桓而興同漳川之賞皆所以追緬藝林步
趨逸軌也涇南陳子以永和之賢生上巳之日陶元浴
素樹善測交探金虎之爻志在兩履讀蘭亭之序心希
古歡遂乃仿鄭風作被禊賦賓介藉網馮揚解若流闢
水使曲同同之鳥焚焚之花高堂青龍之才張堪白馬
之譽嚴助聊蒼之學孔晁紫宙之篇俱足抒寫景光白
成馨逸流黃體素伯喈因之作書宵練朝虹愷之墓而
入畫縱移山陰于茂苑起晉賢于九原啞其笑矣又何

加焉。僕也。於越鄙人。楚國殘客。偶傾衿于半面。遂圖形于九仙。命作荒言。書爲小引。明知風簫偶過。未諧雅奏之音。或者木祝先鳴。亦是同聲之曲。

金賢村太守詩序

賢村先生東晉名流西蒙望族夷吾澤四經之學彥和
標七觀而談金心在中早擅鴻儀之耀銀手如斷遂歌
鹿鳴之章以司民協孤終以上計得謀最牽絲江左傾
蓋金陵驟見子皮抒心元度館人竊屨之事能教返壁
山中鮑生換馬之談遽肯騎闕燈下除非賈至許見瑤
英直索紫雲不嗔杜牧此非聆音識曲送抱推襟者不
能若是之好余也已而一麾出守黃鶴樓高萬里班春
夜郎國小可憐焦土新宮有不戒之虞趨以飲章故印
竟攫擊而去捨三千石作六一翁在他人必且五噫歌
成四愁交作矣而先生適然安雅不廢嘯歌清俸無多

但買仙眉瓊葉歸雲有引。惟聞梵字清聲。雖季文子之
三窮三通。遼伯玉之再仕。再化樂大天士。張筠地仙不
是過也。于是飲星飯于霜潭。解慙嬰于壁渚。還洛浦走
蟪磯。寓秦淮。訪蔣徑。當七夕。牽牛之夕來。諸姬墜馬之
粧。聚楞嚴十種之仙。作刀跡八風之奏。時則天鋪潭底
月。墜花間雲。可妬羅風。停吹雲散。靈妃之步。魚婢爭迎
撥火鳳之絃。雁奴驚起。或班排阿鷺。私說兒夫。或女寄
提婆。乾呼阿嬌。或珠飛纓絡舞出前溪。或裙繫瑩篔歌
騰小海。以嚴春佐午。子使匏爵戲露簫。雙珮響而宮徵
出于簾間。千燈張而銀河落于樹上。先生則手拋紅豆
暗記樂章。耳聽回纥。遙知鼓節兩室如一。公然張稷通。

家大會無遮何必王琨避而迨至星沉玉李而蔡雖猶
屣屣其間乳罷金訶而稚女尚嬰媿而笑有是哉此樂
令人忘死至今使我移情可謂京洛之雅遊夷門之大
會也已可奈地隔燕吳家分南北孔璋行矣公幹淒然
小別三年空贈繞朝之策相思數字忽來蘇武之書長
妾先亡說少姜而於邑道南無宅借公瑾以羈棲翠羽
拾來想華銓瓠環之舊影青泥封寄讀團雲散雪之新
章雖元晏病風已枯半體而安仁感舊尚富千言爲金
海之全編索玉臺之小序嗟乎言者心之聲也心不慚
粹則聲浮文者情之著也情不蟬媿則文傲少登臨之
境者難豪有殷勤之意者好麗先生心波湛漢情岳千

霄非制氏而記其鏗鏘愛童蒙而拾其香草能爲蠻語
巧奪舌人好作音臣時夸耳學加以三吳弭節百粵觀
風湘水濯其清襟黔山催其險句以披香之博士兼文
陣之雄師倘入儒林定非谿刻就升天界也入華鬢賈
生養空以遊德機常活龍叔背明而坐方寸皆虛故能
六管揚風三英耀彩歌離甲夢霜天聞清角之聲流景
紆雲烟墨掩明珠之色鼓宮宮動喝月月行又何必飾
混沌以蛾眉假荒言爲前馬哉然而蘭本願詳所湛曉
鐘強半先鳴劉勰高才猶厭書于休文車下東阿貴介
乃求序于仲卿夢中况僕與先生笙磬同音雲龍並駕
如驂從靳以蚓投魚香火因緣喜靈山之有分白頭期

限。傷。老。物。之。無。多。倚。裳。聯。襪。之。遊。音。塵。不。再。信。後。傳。今。
之。作。揚。榘。何。辭。敢。竭。江。淹。將。盡。之。才。大。書。巢。父。長。留。之。
卷。此。日。文。章。付。我。勝。託。妻。孥。他。年。泉。路。逢。君。再。同。賡。唱。

悔軒先生六十壽序

悔軒先生以仲冬之暢月爲花甲之良辰擯綏山之樵而勿探皮靈飛之經而勿誦乃蕭囊枚而詔之曰明知壽言非古也然而相觀局外清臚瞭然乞言山中切人不媚子寧視余之攬揆而熙熙禁聲乎伏思枚與先生雖吏隱之途分實澗澗之味舍臚言風聽側聞長者之徽音奮筆纂思頗記賢人之逸事與其橫陳于胸臆曷若布寫于屏風謹拜手稽首而爲序曰才非官也而才高則官自尊德非年也而德厚則年自劭鄧禹但期文學竟冠通侯顏合不信蒼龜偏登大蓋此非志願有限休徵相逼以來實由操執恢宏造物因材而篤也先生

生而孤露以席爲門長卽橫經將蒲作筆煨燼殘之芋
子舍篝燈折慈母之蓼霜天課讀蓋張華勵志之詩江
總修心之賦基于此矣登賢書之籍爲國子之師擠嚙
道真翼粹元化攝予陽之五縣走芻丹之八州初蒞三
湘再臨兩晉斷絕尺一禁止槃游桴鼓無所發聲澤民
不敢灰僂凡諸批牒排比成書枚受而讀之不覺嘆曰
子產爲政莫如猛也魯莊察獄必以情也仁有所闕則
以術濟之律有所窮則以意通之青霜紫電常照徹于
五聽之餘息子嫺嫺必安置于萬全之地謝太傅稱陶
公用法恒得法外意先生殆不愧家風者乎古人勅郭
丹之事永著黃堂頌侯嶺之文編爲令甲良有以也罷

守淮陰旋遷白下送者持靴不去迎者挾轂爭先先生亦復攬轡沾襟留詩賦別所謂賢者使人不能忘已而已亦不能自忘于人焉先是淮有寶沈大湫之神作沉竈產蛙之厄先生平其斂陷疏厥原防出入波濤扶持梟散王尊立水奪赤子于龍宮索勵射潮麾黃熊子寢外卒使城留三板炊滿千村召對九重漏下六刻百辟動容而觀敷奏一人前席以問生靈遂蒙簡在之知大有非常之用天子不欲置汲黯于遠也故將赴淮陽而仍留近地又恐用馮唐之遲也故甫遷觀察而遽轉屏藩一歲之中章服屢換半里之內官舍三遷人但見其雲路搏風九萬里之扶搖太速而不知其仁心

及物二十年之積累良多先生方且不損不加如愧如讓早鋤其色有睟其容闔門績紡敬姜自有家風散髻斜簪王儉依然儒者所到處一池之泉古迹必復一亭之月舊景重新短碣豐碑皆典秩明禋之式三廬五宿有義漿仁粟之供贈刀布以教生徒稅束薪而炙筆研簿書勞畢不廢賓筵呵殿聲希卽聞吟咏至于今雖秩居二品車擁八騶而往往依戀桐鄉好談京兆者其故何哉蓋道行于獨任掣肘無人效著于當年終身慊意古之君子易地皆然而枚所怵耳而傾心者猶不在是也今夫君子表微陽善不如陰德哲人制行讓義卽以重仁自慕俊風高而恢台之意少亦莊達路失而

趨進之道。乖先生簿錄。上官頗遺繩索。迷留下蔡。不
風情。似若徐邈。爲通展禽。非介矣。而孰知小可畧而大
不踰外。雖夷而中甚峻。毛仲容滿。不能致者。惟宋璟一
人。江敦床移所必遠者。是僧真諸輩。此非勇過夏育行
若伯夷者。而能若是哉。枚空山老矣。一個陳人野服。蕭
然半屨。與草先生絕無介紹。早來雲外之車。畧得公餘
便。速幽人之駕。覆瓿文字。未識面而手已傳抄。造膝清
談。乍脫口而心先莫逆。此又牙棐之知。遇薛劍之遭逢
也。已茲者。白頭介壽。亦被斯皇千里生祠。齊進狄公之
酒。一園紫竹。爭歌衛武之詩。家居東海琅琊。山最近
署。有淳熙古井。聖水常春。竊自比于鶴舞猿吟。敢私獻

小倉山房

卷七

其。匏。宜。瓦。奏。公。如。黃。菊。勉。旃。晚。節。之。彌。香。我。亦。蒼。生。願。祝。慈。雲。之。永。覆。

謝渤海相公元旦賜鹿豕鵝鴨等物及福字啓

天晴元日羣歌變理之功春滿軍門敢忘起居之禮歲
逢甲午律應東風出卧雪之蓬廬作向陽之草木手板
投衆官以後吏隱途分荷衣拜畫戟之前山林人野蒙
相公溫言婉下異貺遙頒橐倒困傾半是華堂之饌色
招香引都非邱里之珍視若嘉賓賜之鳴鹿憐其傲態
伴以蒼鵝特豚饋食之牲可以薦諸祖考泛水呼名之
鴨兼堪寫入詩歌隣里叩門爭看物來相府妻孥動色
喧傳恩到貧家更有福字一箋爲老母今秋九十之慶
枚伏思福也者求之在已而降之自天者也
天子爲九重福主錫之以與相公相公爲一路福星分

之以與士女。雲藍紙好。先生栢葉之華。烟墨香濃。秀奪
梅花之色。北堂懸而慈雲永護。白髮對而笑口常開。不
特此也。公之愛士人。盡知之。公之用心。誰能及之。倘南
衙。篋篋竟。教使者。頒來則空谷烟雲。難作。社官犒勞。公
慮擾山中之白鶴。特交車後之蒼頭。如取如攜。宛然父
子。家人之意。式飲式食。剛在椒盤。春酒之天。如此曲體
人情。纖微必到。自見平章軍國。雨露皆周。物有盡而意
無窮。年漸衰而恩難報。所有銜結之忱。理合肅啓佈謝。

爲章太宜人七秩徵詩啓

蓋聞甘泉畫象金母爲昭懷清築臺巴婦有耀翠媿元
扈肇始于提蜚彤管絳紗夸稱于漢晉何承天夙承母
教夏侯氏尤明禮儀皆所以觀地道之成立女宗之式
也矧擬宮夜織坐少廣者七十年天媛朝遊獲祥麟者
三四代豈可使雲仙彩伴競奏靈璈我輩儒林反無法
曲者平恭惟章母黃太宜人系原江夏配適河間年甫
及笄禮成合卺勛帥以敬循循帥氏之箴參和爲仁媿
媿碩人之德產寶家五桂剩崔氏雙鴻我封翁樸菴先
生二豎方災三珠增痛遽赴玉樓之召竟貽漆室之憂
其時堂上尊章俱無恙也太宜人瑱環宵撤學嬰兒之

事親概散晨蠲作季蘭之尸祭外則漚菅栽漆園林極
土化之宜內則設鍵安橫門戶有金城之固少儀訓子
機聲與夜課齊清吉禮嫁姑束帛與儷皮不忒爲先靈
卜窀穸禮備三虞爲戚友饋壺殮河澗九里一門春滿
七族風和憇子伶俜受小郎臨終之托彌甥孤露從媯
孀拔宅而歸太宜人哺以膏屨助其貲算卒使阿宜阿
買都列官階王悅王筠竟成宅相此豈昔之分羹轅釜
別室銅盤者所得媿其懿範也哉我淮樹太守奉三遷
之慈訓宣十部之仁風隴右姑臧屢知赤緊京江白下
再守黃尚比清識而水鏡無光吐赤誠而朝霞失色平
章荒政開汲長孺之倉協濟鄰封貸秦穆公之粟攘喻

小劫拔出。能符懷磚。巨豪散歸。畜牧決獄。則諸囚禮佛。一時之狂。狂無寃。與氓則損俸。延師數郡之菁。莪鬱起。以故李憲三生之祀。黃昌兩日之歌。業已大府傾衿。閩額手而太宜人。猶歆然其未足也。淮樹每遷一官。必申一戒。每平一獄。輒加一餐。定省之餘。詢何以報。聖主含飴之暇。計何以澤窮氓。受蠶翟封章。而身服七升之布。居養堂丙舍。而厨捐五鼎之牲。與臺悉庇于賢雲。侮雨都飲其德。水宜其壽。隨年茂慶。與善俱以。丁酉暮春。爲古稀華旦。時則花明瑞室。月在高棊。鄰母當筵。依然綠鬢。崔邠側帽。親捧朱輪。仲海季江。四世之孫。曾玉立前麟。後鳳百年之綽楔。風高古之人。雖馮親上殿。荀

毋從官象輿婉憚于西清冠帔頻頌于北闕迹其榮寵
何以加茲某等誼屬葭莩情深邱里目擊柔嘉之則耳
聞聖善之風敢替梅檀代揚奇馥願將闢範畧舉梗端
伏望當代之儒林丈人文貞學士不靳煙墨各贈琳瑯
或宣照於五聲或宏鋪於七體借文昌遠耀增寶婺之
星光假書帶芬芳寫蟠桃之花色庶幾垂諸方策卽南
唐女憲之書播入管絃續樂府壽人之曲

郡文學呂君墓誌銘

君呂姓名揚廷字對宸江蘇常州人也生卽風神愔定
有顏淵度轂之仁仲弓含澤之智白賁沃若黃流瑟瑟然
年十九爲博士弟子二十二肄業成均鄭緩爲儒呻吟
裘氏之地仲舒好學不窺廣川之闢凡十禩之變三象
之音九據之章七調之曲靡不穿穴名理淵通妙靈應
南北鄉試不售遂佐周君某爲政陽高王壽焚書而舞
班超投筆以行招我以弓視道若尺其時有火速軍餉
應運會城者路苦盤陔人相愕眙君勇任之以三十須
臾行七百郵遞驚虎墜澗攀枝登崖卒使龍節如期魚
符應刻古之人雖子反乘堙蔓枝斷轂卞莊子之怒目

於菟怯威太史慈之通章計吏奪氣不是過也同里友
吳啓文病于榆社署中君從陽高駮馬視之始而稱藥
義篤真長繼而扶輦送歸元伯或勸君應秋試者君泣
然曰科第命也友朋義也吾不以彼易此矣其篤行深
中觥觥類是君閒居有綢直之心遇難無倉况之色測
交恥倚魁之行樹善記昔席之言蒙屣褫以拯人陆焦
原而跟止以故邱里慕其風者莫不証岑鼎于展禽誓
要言于虞寄兄弟五人杜欽以小官最著學生一坐庾
乘以來位稱尊傳曰上交下交銀手如斷其君之謂歟
以乾隆四十三年卒其子府學生星垣秀出班行家傳
綈裘庶乎潘子之後有尼夏侯之學傳建連遺陳詞乞

子誌墓予思夫平子南陽之德深刻碑陰康成北海之
風太書瓦屑亦文人之職役孝子之終事也乃仿南朝
宗氏墓碣牒其世系妻女年齒墓所如左而爲之銘曰
星有光夜方起人有名死未已亢其宗更有子我銘幽
逝者喜

世系

妻

女

年齒

墓所

孫薇省亡妻王孺人墓志銘

孫薇省秀才詩才假詭能爲昌谷玉川家數予愛偉之
今春二月以其亡妻王孺人事狀及詩索予銘幽予讀
其樂府諸篇哀感頑艷丁當清逸故知完山之鳥無異
吭之鳴雲和之笙有雙管之奏宛其死矣士也婆娑形
管旣淹元石斯耀謹按孺人姓王名采薇宜黃令光燮
公女也有天紹之麗姿愜愉之修美天女九相靈芸三
絕年十九歸秀才秀才故食貧者賦感婚時以帛拜代
香纓孺人不槩于心能鋤其色守成湯嫁妹之戒捐夏
禹修容之粉調言箋巢和之器治乾糲饋食之遷威姑
以下愉愉如也每至玉女沙涼金蟲燈小釵橫三鎖髻

妥半蟬。孺人焚。荷濕之香。展排比之卷。或抽觴以啓顏。
或論古而交謫。誦靈飛之篇。目王母心驚。成輦鑑之圖。
章南海紙貴。秀才愛玩。賢妻有終焉之志。匪云嘉耦。直
是吟朋。且其神識尤異。儕輩常讀王章傳曰。牛衣妻自
賢。奈沮仲卿上書。終是懼怯女兒。又對落英嘆曰。人當
如渠。早謝慮。有憐者。何俟頽侵才。捨恒幹耶。味其言直。
以形骸爲桎梏。晝夜爲一致。采雲留影。鬢花愛空。宜其
拂衣行矣。便登女媧之邱。執手奄然。難挽靈妃之步。病
成解。你態失。姣妍。卒年二十有四。秀才開華鏡之故匣。
見都膚之舊痕。哀思夕流。憤泉朝湧。遂乃詣宛。若請神
君。執鬼中玩仙牒。知孺人故是飛率。宮掌書者。雖迹涉。

幽。涉。莊。士。不。言。然。浴。羲。女。于。甘。淵。奔。純。狐。于。月窟。乃。自。
古。記。之。秀。才。鍾。情。語。怪。以。妄。塞。悲。當。亦。君。子。所。不。廢。也。
以。某。年。某。月。某。日。葬。銘。曰。驚。女。鹿。佑。楚。客。問。天。
緣。何。彼。姝。以。此。名。焉。宜。其。奄。忽。離。瑜。復。位。當。景。收。蘭。臨。
華。罷。翠。情。情。孫。楚。蠻。行。索。如。歌。離。弔。夢。有。涕。漣。灑。榛。娥。
臺。高。玻。瓈。魂。杳。定。有。青。鸞。集。此。華。表。

徐君禮珍墓誌銘

夫百卉具腓而含芳之藺先隕朝陽方盛而棲鳳之桐
早凋秀實難兼才命兩舛此哲人所以有沉疴之災瞑
臣所以有火色之嘆也吾于亡友徐君有深恫焉君諱
維行字禮珍一字芷泉代爲著姓家于浙中遠祖諱壽
者宋乾道間以侍御史出守平江愛玩洞庭之幽遂爲
堂里之卜二十傳至毓菴公生四子君其次也執箕箒
搗卽已岐疑束髮受經更加倘傷本申生之小心精潔
慕莊周之抱德煬和如切如磋聞詩聞禮睦三昆而旣
翁合七族以宣仁或立文翁之堂親炙筆研或捨周瑜
之宅安宿賓朋或共建宗祠司屬役賦功之事或首襄

荒政竭義漿仁粟之供凡邱里所錯憚者能以身先之
庸流所憚者必以智決之長兄西圃先與余交招遊
石公小住君舍如彼然明一言稱善遂爲伍舉兩度班
荆當其作六日之留通一家之好時則露凝夜燭風警
晨烏菜甲庖丁終宵置具仲霜季雪排日娛賓余心感
焉如鰲戴石而君猶殷殷其未艾也次年拈支硎之小
艇補春餘之墜歡桑娣臨波濟尼在坐月白勝水人嬌
當花至今王侍中之才語蟬嫣孔北海之音情頓挫余
雖老矣何敢忘諸不圖龍華之會未終香火之緣已盡
明溼入淚夢厲生災以庚子七月病篤召其弟心梅屬
曰修短數也我無所恨然願貪沒世之名必藉傳人之

筆汝其爲我持幣乞墓銘于簡齋先生乎語畢而逝年三十有二嗚呼痛哉人之生也輕同聚沫人之死也速甚驚颺青曾黃頌之推移齊芮斯彌之變化彭殤全盡顏冉何悲然而元相臨終遺文盡交白傅荀郎雖少後事竟托鍾君亦可謂神理之無差交情之素定者矣以某年月葬于某余不能躬趨馬鬣親薦溪毛所冀名在月中仍復闕侯之位書留楹下永昌晏子之家

銘曰成池五車氣通具區降此淑靈實生士夫惜惜徐君躄循不爭神出五寸志入四行可以測交可以樹善語笑未終天風吹斷楚鐸淪響周鼎沉沙衝星噴景難掩光華我欲攜劍弔君之墓不挂崆峒挂君隴樹

陳淑蘭女子詩序

蓋聞天章有七襄之製，知織女原近文昌。璇璣迴八角之文，羨閨秀能通河洛。倘但稱針博士而竟乏思功，或喚作女大家而徒知陰教。是則夜來善繡，大捨知書，不無遺憾矣。若金陵女士陳淑蘭，則不然。爾其早辨四聲，工傳三絕，銀缸五夜，牙管一雙。薄華鎰爲屏，金借詩書作膏沐。拂來十指春浮，三月花光寫入雙蛾。秀奪六朝山黛，當夫紡磚月墜，鏡檻風低。茗浮鮑氏之香，絮散謝家之雪。往往流連光景，陶寫風情。揮毫而玉釧微鳴，舒紙而粉痕輕落。直可傲左芬于晉代，迨三妹於劉家。然而僕有感焉，尤有幸焉。從古星來天上，不患無才仙謫。

人間最愁失偶倘或戚施枉配茵溷空投扇棄秋風
或歌傷暮雨是則心珠夜炳不無妻繫之音意蕊晨飛
頓少風華之色矣而孰知所適鄧十郎者亦白門之佳
士也詞標黃絹曲譜烏絲分涼作荀粲之憐入室下樊
英之拜湘蘭一朶常攜素手同看園竹萬枝能使全家
盡綠雞鳴窻而郎起香沉水而妾歌疊韻雙聲吟聞戶
外唱予和女曲在盤中刻燭拈題競賭八叉之韻拔釵
沽酒爭爲一字之師雖秦嘉之咏素琴尙慙薄報而高
柔之服賢婦敢不終身真可使蘇蕙羨其聲華薛媛慕
其福慧也已且又久著繡銘慣裁花骨不藉研神之記
自成手印之文字字字生芒我盡隄廩之迹絲絲入扣橫

生形管之輝非自傳之什不吟卿真知已惟士安之序
是索女亦門生遺我一縑緇詩兩首作香閨之潤筆求
駢體之擅場僕也霜雪盈頭久傷才盡珠璣滿目又覺
情生製作垂簾山入樂簪花之拂加添潤幅分明宮錦
緞之貽報以敷行弁諸卷首庶幾此日讀靈飛之篇目
王母驚心他年獻南海之鑑榮唐宮動色

劉霞裳詩序

夫雲霞雕色有踰畫工之巧蘭蕙吐氣能奪迷迭之芬
天所相者人不能爭中所無者外不能鑠是以杜麟早
聰勝于尙子之晚研也高鳳溺苦不如枚臯之夙悟也
梁簡文云斯文未墜必有英絕領袖之者劉生霞裳殆
其人歟霞裳者山陰劉念臺先生之五世孫也產自清
門羊舌之族本大生于息土仲容之姣無雙楊收四聲
早辨神口陸雲十六便舉茂才秀出班行獨師懷抱以
虔儼之逸性當慘綠之少年未免粉白修容膠青刷髻
瑤光奪垺粥粥爭迎顧協晚婚綏綏求配摩登攝去將
阿難戒體摩挲裴讓測交與孝基私情歎狎終日醅醕

于酒肆一船橫盪於秦淮絕學捐書遷蘭變鮑致禮法之士飛言如雨而覆裳迨然不顧也以爲日月含蟲鳥之瑕不妨麗天之景圭璋無瑾瑜之匿斯爲前席之珍古之人忽細德之險微作風雲之奢濶賈遠通健借袴便行元孚沉酣負瓊遽走思話自纏腰鼓征西好佩香囊凡此儻葛俯張夫亦何傷于奇士乎則有庶餘主人張三昧之無騎兩家之驛招余目色彼此心傾問字則甘作侯芭遊山則願爲禽夏遂乃拈裳連襪負笈從征台岩訪春厓虛觀瀑星飯黃海水嬉洞庭聽仙奏于幔亭候初曦于衡嶽當是時也江中潮起似苔吟聲馬上花飛欲催綺語對奇峰而筆健折芳草以情深或弟子

僂言請更一字或先生低首爲賞數聯道衡爲文使類
籀倚撫仲寶搖管招彥昇酌商取聰明智慧于陸脊口
中學柱指鈞絃于師襄手上五年來油油焉翼翼焉其
聆音識曲授色知心雖莊惠濠梁鍾牙流水無以過也
今年春從二萬里而還有三百篇之製清章雲委滌思
芊綿振攸絃之逸曲鏘鏗鐘之雅調余勸其板而行之
霞裳蹙然堅謝不做余曉之曰昔崔贍舉世重其風流
致才華見沒良可惜也子以輕剽單慧之姿加旭歷銳
銀之學余豈不知似川方至如日在東方將奏遙響于
鈞天何必蜚英聲于早歲哉然而休文遲暮才遇王筠
元則門牆最憐雕武趁予夜燭助爾晨燈好束涖繩全

爲商。推。庶。幾。初。荷。出。水。百。卉。歛。華。雛。鳳。鳴。霄。萬。流。傾。耳。
此。日。波。瀾。莫。二。杜。陵。識。所。由。來。他。年。秋。夕。諸。篇。元。相。存。
爲。少。作。

贈儒林郎翰林院待詔厚齋項君暨姚安人合葬

墓志銘

君諱庭模字啟東號厚齋祖寧菴公山徽遷杭不受耿
逆僞命歿祀西湖父文松公州司馬素襟青尚遠迹崇
情賦江總之修心佩朱穆之崇厚固知兆楊環之休衍
何籌之慶矣君生而愉定長更徇齊蔡謨通明人呼朗
伯君游侷傷世號聖童八歲時父體不斟私詣吳山神
廟祈以身代病果得瘳童子何知至誠則動元穹雖遠
有聽斯罕弱冠補弟子員英聲揮綽庶士傾風見者以
公輔期之先是文松公達人之見學陸賈出裝愛子之
心爲薛包分產君道箭分易折枝披自傷富在趨時不

在歲司鳩羽金能自化何必責收薛中于是盡合許武
所分助以南申奩費貿遷禹莢布置牢盆志入四行神
出五寸遂振白圭之舊業法孔氏之雍容焉然而燕雀
所賀非鴻鵠所欣也統袴所甘非志士所願也君以爲
華身不如華國多積尤貴多文懷西笑之心作北征之
賦乃以家事交其兄端友公而已則由鄉貢入太學崔
稜一到舉坐禁聲太初將臨名流拂席或賞刺走尋或
致書結納羣以爲蔡公儒林之亞賀生達禮之宗非君
莫屬焉庚午舉順天鄉試甲戌補翰林院待詔方領矩
步久著風規玉府木天更嫻掌故以詩受知於慎郡王
東平辟士特取吳良梁孝延賓最高枚叔於此應觀翰

音之登慶茅茹之拔矣不意蓬山路遠風雪易殘長安
久居金貂就耗丙子春以事罷歸公業遊宦田園半蕪
息夫邱亭侯名空富君以爲青蚨可去而復還荆樹易
彫而難茂竟學繆彤之閉戶不問馮諠之治裝決意中
興空拳搏戰漸看珠熟不怯錢荒會太夫人年衰卧病
君奉佛爲醫因心制藥上池飲而穀食安咳華榮而蘭
芽茁逮至萱堂以壽終而君年亦將老矣遂乃路遊東
粵論著桓寬爲羣商籌出納之資爲內府核盈虧之數
雖韓嬰精悍公綽聰強不是過也已而還鄉訓子顧已
尋涯啟樊重之居大開瑞室傲君卿之俠招致清流則
有杭董浦吳西林王述堂汪西澗諸君大雅扶輪升堂

接踵酒鎗宵擲詩牒晨飛旗鼓相當珠璣亂灑奉夏侯
以四馬百人之食但覺其豪置春申于一臬五散之間
各行其樂蘭臺諸彥盡文陣雄師金谷主人為騷壇領
袖余以己亥之春掃墓聖湖亦得送抱推襟與分一席
焉王楊盡逝傷李嶠之獨存羣紀齊交欣孔融之有幸
故鄉金蘭之簿雲霞之交微斯人其誰與歸君雖身在
邱樊而心存葵藿道小草雖微都知向日羣峯在下誰
不尊天以故陳咸思入都中楊僕恥居關外 皇上南
巡江浙君兩袂高躡星夜迎 爨湛露所濡龍光必照
恭逢乾隆五十年正月四日 皇上舉行千叟宴禮君
年逾花甲應 詔赴都當是日也萬春始華千齡方巨

百神薦祉。五老來朝。散太極之飛泉。開八荒之壽域。若
得與濟濟者。英儻儻元老。屬其間。樂聽九韶。酒斟百
末。鶴髮耀乎丹陛。鳩杖錯於彤庭。采殿香烟。歸猶未散。
天家頒賜。重不能勝。皇上賞文綺。雕盤奇珍。無筭
欽定所呈詩冊。入萬壽盛典。昔桓榮陳車服于庭
前。夸示子弟。韓竝寫姓名于屏上。許作詩人以古較今
於斯爲盛。君疾惡如風。赴義若熱。蔭賜人于樹下。見善
必先回。寒谷于律中。惟力是視。在衢州有孕婦不能踰
嶺者。在京師有僕人不能遠娶者。君傾囊助之。劉翊舍
其車馬。不告姓名。趙熹濟及婦人。同聲稱祝。君之陰德
耳。鳴皆此類也。委化之年。才六十。有八遺命。棺衾悉從

儉約祇設伯夷之朽木供茅君之虛位而已嗚呼君翬
翬之思未終繫繫之才乍展崔駟巨儒位終邑宰管輅
絕學官止府丞命之所存數難強也然而信義乎於人
忠誠格乎物辨岑鼎者必取信于展禽作誓言者多要
盟于虞寄采采蘭訛置驛通賓蛇蛇碩言聆音識曲今
雖九原不作五噫空歌而聞風追溯者誰不對酒而憶
公榮臨風而思元度哉夫人姚氏雲臺望族東里名媛
凡浣石建之中衣聯姜肱之火被吹煦救之粥指子敬
之困莫不贊自闔闔助之簪珥補班昭女誠作顏氏家
箴有脊有倫如幾如式先君一年卒子壻秀出班行航
心聖籍通五際微言識六家要指可謂潘氏之門有尼

某原禮也。嗚呼。武擔山上。任文公何日歸。靈芝宮中。
王平甫此時復位。

銘曰。文饒。鬚齡。號張。曾子。君懷。至性。孩提。如此。賜不受。
命商。可言。詩蜚。聲閭。苑金。躍。馳富。而能。施學。如不及。
盲禿。偃。疋。皆。君所。活。身。雖。逝。矣。情。尚。蟬。媽。其。纓。禁。緩。其。
容。簡。連。化。臺。禪。窟。石。秀。土。堅。定。生。福。草。書。帶。草。芊。

贈中議大夫孝廉隱谷孫君暨范太淑人合葬墓

表

夫熱中者務進嗇神者主守慕古者絕俗兼愛者發我
四者殊轍折中難焉若不夷不惠非仕非隱清名尊于
士林厚澤沾乎鄉邑所謂得天獨全與道大適者我隱
谷孫君真其人也君諱宗濂字粟忱一字隱谷杭州仁
和人幼而岐嶷長多閑覽少與兄宗溥才名並馳躍豐
城兩劍飛平輿二龍兒既入翰林官給諫君亦登賢書
上春官不第罷歸當是時君以蘭成射策之年曼倩上
書之歲舉頭見日呵氣生雲孰不思三沐三熏再接再
厲而君志在幽履意薄軒朱停計偕之車占肥遯之卦

以爲四科尙尊貨殖三旌不換屠羊貿遷所以厚生推
解可以樹善何必戀此微名效碌碌者蘇而復上哉于
是陳揆五行炊累萬物因其帶鬻立以駢牢范蠡能謀
秋儲善筭蓋不數年而貪賈降心研桑側目矣雖然能
聚而不能散者倚魁之行也能散而不知道者刀墨之
民也君以爲萬善所先天倫之事百年難得孝養之豐
于是廣鍾磔之居潔君魚之饌仲江季海擁侍無方北
雁晨鳧應念卽得太夫人病亟君戕體脂室投冀有靈
讀禮三年毀幾滅性幸封翁之常健也乃聚同志以博
歡心極宴嬉以永愛日凡三儒五墨之客雕龍炙轂之
賓及冠竹皮帶櫛具善格五妙彈棋者莫不拈袈連襪

酒賦琴歌蓋所以養曾參之志而成孟公之名者其在斯時乎且又義重尚衡財輕築籜骨肉絛而不殊感里待之舉火乙亥歲大祲出粟千石饑民鳧藻旱魃失威大吏請旌于朝君猶欲然于已其友陳明府廷獻還官雲南君代爲治裝資其捧檄旋以憂歸貧不能償君益自喜謂成渠廉吏不負鮑子之金償我素心速焚田文之券疎戚吳某寄食于君齒猶未也而君爲營美觀曰使及其身親見之安死後之心豫凶何害慰老人之志引養彌長僕因之有感矣夫君子在上則美其政在下則美其俗其假人也不德不責其食人也不使不役是以周尊九數漢重八廚子夏恥礫仁齊桓畏宿義散

貨錢郭震因之稱英雄也犒牛酒樊宏所以頌盛德也
彼夫穴管之見眠姪之流高踞台衡終歸隴斷魚魚逐
隊。齧。齧。稱。廉。何。曾。有。益。蒼。生。書。勛。彤。管。也。哉。方。知。尊。不
在。官。賢。不。需。位。蕭。育。卑。官。是。杜。陵。男。子。蘇。純。儒。士。號。三
輔。大。人。君。之。謂。矣。所。嘆。者。善。人。是。富。生。可。無。慚。造。化。無
心。奪。之。偏。速。君。雖。持。梁。刺。肥。何。嘗。燒。其。爛。蠶。青。芝。赤。箭
亦。足。保。其。谷。神。乃。精。神。淵。箸。而。體。不。能。充。服。散。雜。投。而
藥。終。無。效。疾。深。三。縛。形。敝。五。倉。竟。以。不。起。嗚。呼。痛。哉。元
髮。歸。泉。垂。髻。扶。柩。鄰。眷。不。相。薤。露。空。歌。說。者。求。其。故。而
不。得。乃。疑。君。爲。善。近。名。拯。民。所。阨。得。毋。菟。叔。遠。天。而。有
咎。伍。胥。逆。行。而。生。災。乎。余。謂。君。逆。情。雲。上。陰。德。耳。鳴。生。

雖有涯死而不朽。斯則壽之大者。又何必與元鶴齊年。共靈椿爭歲耶。夫人范氏。卽母太夫人姪也。鐘瑾母妻。李膺姊妹。兩重骨肉。一脉心。情洗手作羹。供張椀。厥和衣侍疾。親滌。椀。踰君既歿。奉事封翁。扶筇林下。忘西河之傷。含飴花間。看諸孫之長折。夔立教。拾芥成名。奉繡佛。以清齋。誦般若。而終老。君之得成風志。夫人與有力焉。先是君好廣置書。會朝廷開四庫館。令嗣仰曾獻二百餘笈。伯山漆書會。朝廷開四庫館。令嗣仰曾獻二百餘種。天子嘉之。御題乾道志原本。還俾珍藏。賞佩文韻府。全部以彰寵眷。王氏兒賢守江左。青箱之學。班家恩重。賜內庭冊。府之書。倘非燕翼貽謀。安得龍光照。

耀。馮。呼。榮。哉。君。以。覃。恩。贈。中。議。大。夫。子。三。人。仰。曾。鹽。
運。司。運。同。傳。曾。甲。午。舉。人。候。補。中。書。儀。曾。國。學。生。孫。某。
以。年。月。日。與。夫。人。合。葬。于。某。

禮親王世子詩序第卷八

世子以天孫雲錦之才兼淮南食時之敏清襟蘭郁逸藻雲飛德無常師詩兼衆體咏物則明珠九曲上手能穿乎古則夏鼎千年聞聲欲起或題畫而烟景都生紙上或懷人而珠璣盡落風前豈徒河間輟絃且使東阿却步所謂星分少海定有奇光筆洗銀河自饒仙氣福慧所鍾非偶然矣乃復禮士親賢撝謙請益鈞天雅奏空谷傳來不棄衰氓教之加墨枚久居物外忽聞緱嶺之笙翹企層霄竟聽寶雲之曲回環雜誦齒頰生香已爲老子之踞觚敢不瞑臣之躅足謹遵寵命恭綴小言以廷叩鐘將蠶測海此日觴開八秩強作江郎才盡之

小倉山房

卷八

交。何。時。夢。入。九。重。來。賦。梁。苑。初。升。之。月。

思元主人詩序

山○中○風○好○天○上○書○來○捧○碧○海○之○紅○珠○珊○瑚○尙○濕○解○王○孫○
之○雜○佩○漢○璧○猶○溫○大○恩○歷○已○以○心○驚○薰○沐○開○函○而○下○拜○
方○知○主○人○爲○高○陽○之○鞠○子○本○帝○禹○之○精○苗○翠○鳳○棲○桐○丹○
魚○在○藻○年○裁○弱○冠○早○登○蕭○氏○文○樓○思○若○流○波○不○數○魏○家○
典○論○或○慕○唐○宮○進○士○作○賦○千○篇○或○學○魯○國○諸○生○誦○詩○三○
百○咏○物○則○絲○絲○入○扣○歌○風○而○飄○飄○凌○雲○偶○託○卮○言○以○儒○
爲○戲○時○叅○妙○諦○著○手○成○春○無○一○言○不○深○入○元○中○無○一○字○
肯○寄○人○籬○下○溯○天○潢○之○派○波○瀾○自○異○人○間○披○帝○女○之○桑○
枝○葉○都○非○凡○卉○所○謂○義○車○五○色○雲○蓋○千○層○江○漢○水○深○風○
雲○天○濶○未○足○方○其○眇○麗○也○更○復○飛○耳○審○音○傾○衿○禮○士○以○

謙虛爲坐薦兼覽百家奉走卒爲神師不遠千里憐長
途之老馬索弁語于空山伏念枚轅固齒衰僧虔筆秃
赴京兆鹿鳴之宴尙待明年試乾元鴻博之科已周花
甲方掩扉以終老忽大任之相加有若五鳳樓成修補
命編茅之匠九天樂奏廢歌招擊壤之氓其能無忍愧
于顏知難而退哉然而投瓊太重結草無期寵命旣宣
堅辭更妄此日聞呼必諾敢逃聲于牙曠門前何時着
翅飛來得闕坐于鄒枚席上

陳檢討填詞圖序

填詞圖者前輩其年先生遺像其從孫望之中丞所摹刻也先生太邱世德岳珂原少保之孫驚座家聲蘇過是黨人之子伯始少聞庭訓元方早負時名氣得著先思爭花發審韻則解呼雌霓揮毫而慣賦雄風浸淫百家足抗班香宋豔鍾爐五典能兼樂旨潘詞恭逢我聖祖仁皇帝立賢無方求才若渴掩八紘而取俊闕四門以達聰特開博學之科許八鴻文之館先生彈冠拜命簪筆登朝折紅杏於瓊林花皆富貴聽鶯聲於上苑鳥亦聰明揆天而色煥雲霞擲地而聲流金石高文典冊九霄傳司馬之詞章風語華言舉世誦香山之樂府

未。免。國。風。好。色。我。輩。鍾。情。李。翰。文。枯。便。奏。音。樂。景。文。修。
史。勞。列。紅。粧。或。吟。罷。而。卽。令。傳。抄。或。曲。終。而。重。爲。按。拍。
流。目。送。笑。有。美。一。人。嚼。微。含。商。教。其。三。弄。開。第。孝。侯。之。
里。遠。山。青。入。斜。邊。浮。家。少。伯。之。湖。春。水。綠。湔。裙。色。傾。耳。
當。筵。樊。素。一。串。歌。喉。費。他。記。曲。韋。娘。幾。升。紅。豆。墨。磨。卿。
手。釵。掛。臣。冠。眞。可。謂。風。流。人。豪。自。成。馨。逸。者。矣。則。有。技。
擅。虎。頭。巧。趨。周。昉。者。爲。寫。傾。城。顏。色。兼。傳。名。士。風。流。一。
則。長。嶺。飄。蕭。拈。花。微。笑。一。則。雲。鬟。窈。窕。對。酒。當。歌。有。睇。
其。容。美。矣。麗。矣。呼。之。欲。活。是。耶。非。耶。蘊。藉。衣。帽。勝。滌。洲。
十。八。士。之。畫。瓊。瓏。指。爪。宛。霓。裳。第。三。疊。之。圖。於。是。廣。召。
名。流。各。加。題。品。傳。諸。好。事。同。作。解。人。霞。駁。錦。摛。皆。一。榜。

登龍之彥。筆歌墨舞。聚三朝吐鳳之才。百斛珠璣。爭
飛紙上。六朝金粉。半墜行間。豈非希世之丹青。真家之
墨寶也哉。中丞本高陽之後。世有通侯。生通德之門。出
而開府。當燕寢凝香之際。欲賦閒情。抱芬芳悱惻之懷。
難忘祖德。集羣賢之佳什。遂甲比以成書。因後進之同
科。乃禪筒而問序。枚弱齡弄翰。卽慕蘭成。老去看花。常
懷騎省。當聖主登幾之日。卽鯁生入洛之年。盛
典再逢。公車被召。遲公五十七載。騰黃之恩詔重看。
徵士百八十人。慘綠之少年。得與當時陳寔。渺矣晨星。
此日袁宏。公然碩果。辱教弁首。卷中影照。驚鴻竊喜。華
顛紙尾。偏叨附驥。嗟乎名流。何限。審言不之替人。詞客。

有。靈。孔。璋。也。應。識。我。指。點。吹。簫。仙。子。揣。量。題。帕。神。情。不。
憂。才。盡。江。淹。只。恨。生。遲。杜。牧。欣。團。扇。覩。放。翁。之。貌。老。眼。
頻。指。似。斜。山。題。太。白。之。真。音。塵。若。接。假。使。操。絃。度。曲。恐。
難。分。絳。樹。之。雙。聲。若。教。駢。體。論。文。喜。早。竊。南。豐。之。一。瓣。

歸一不可啓後世以漸過爾奇書齋甫掀簾不入而還
爾奇急詣兄問故公庭立之責曰汝記我兄弟無屋居
祠堂時耶今甫得志而侈陳若此吾知禍不旋踵矣爾
奇跪泣請改乃已嗣後同公往先藏器飾乃敢見然卒
爲李衛劾奏以侈敗方服公先見也公性方嚴面折廷
爭老而彌甚然待下亦能受直言雲南司道賀慶雲見
大理令劉某獨曰某眼珠實不見慶雲公嘿然心嘉其
直薦之枚初見公便問張奐稱羌夷一氣所生公報虐
以威處劉太重公笑曰五十年後自有定論也世宗
晚年召公宿禁中逾月不出人皆不測上意公亦自

危甚八月二十三日夜

世宗升遐召受顧命者惟公

一人公慟哭捧遺詔從圓明園入禁城深夜無馬騎
煤驟而奔擁今上登極宿禁中七晝夜始出人驚公
左袴紅濕就視之御血涔涔下方知倉卒時爲驟傷虹
潰未已公竟不知也乾隆元年每行一政下一詔海內
喁喁拜泣歌舞以爲堯舜復出有歸美於公者公悚然
曰天生聖人社稷之福也老臣何力之有焉有旨蠲
米豆稅下內閣已二鼓矣公命連夜貼黃速頒天下其
用心如此年六十九薨天子親奠配享太廟謚文
端有詩集若干卷子某某

宮闈雜咏序

宮闈雜咏者邵明府無恙先生所作也先生劉輿才長
晏嬰身短以潤古雕今之筆寫芬芳悱惻之懷遠結古
歡工爲才語拾鉛華於彤管遷次就班散烟墨於香奩
無徵不信上稽瓠史旁及稗官意蕊雲飛但願佳人再
得葩華萍布能教逝者重生妙手白描隱隱呼之欲活
音塵若夢姍姍怪其來遲較王母之從仙已過十倍考
劉向之列傳更極千秋尤奇者褒牝雞爲樛木儷元妻
於湘君南子因拜聖傳名啟母以生賢換局哀其窈窕
輒神往而曲致纏綿縱有過差亦心憐而巧爲開脫華
言風語寵柳驕花萬古蛾眉一齊膜拜韓嬰曰和者好

粉有殷勤之意者好麗其作者之心情乎揚雄云綠衣
三百色如之何其編排之人數乎一時目論者動謂貴
賤雜驛貞淫奪位蕉萃與姬姜並列勾欄偕袞冕齊登
譬之蘇峻與唐蕤何堪對坐法興詣江淪定喚移床未
免擬人失倫歌詩不類不知宣聖采風鄭衛與周南相
繼武梁畫象萊妻與曾母偕描歡喜海中人天同隊虹
霓屏上姘女紛來揆厥初生都是媯皇苗裔考其世系
誰非堯母門楣五際宏開八風並奏此詩教之所以爲
大也至若天女摩登地示富媪如來之妻法喜昂宿之
竊梁清太元賦之清要承戈真詰籍之靈籥匏爵娟娟
此豈全屬荒言概用刪除具欽卓識頃蒙先生遣使索

清娛閣合刻詩序

夫合璧必須雙耀偏絃不可獨張當天下有道之時我
級子佩喜家室和平之日鼓瑟吹笙典籍所傳人風可
愛然而星名織女不近文鳥號鳴鸞或隨陸鳳盤中
伯玉後無嗣響之音天壤王郎轉有不平之歎得母兩
美不許齊眉天豈無情人偏有憾乃余讀清娛閣合刻
而有異焉合刻者京江張舸齋居士與其室鮑芷香夫
人所作也一則江夏黃童天資超絕一則宋家若憲質
性靈明未納幣而戚里稱才已結繭而房中有曲女兮
窈窕士也婆婆或吐石含金共作雙聲之奏或鈎心鬪
角爭爲一字之師拈毫則雙管雲飛聯句而並頭花發

既切。磋於枕上。遂借老於詩中。真可謂異曲同工。雙烟
一氣者矣。雖然言者心之聲也。詞者意之表也。倘片時
目反。則眉黛難描。六鑿情乖。則宮商不應。作者俱能含
章司契。抱德煬和。夫憐而毀體。分涼婦淑。而拔釵欵客。
親調羹。僂人游護。世城中。勸散義錢。名播金蘭。簿上當
其茶烟。濕鬢梨雨。催妝邀月。圍棋折花。射覆皆詩中語問字
於掃眉才子。妻即先生。徵文於坦腹郎君。卿真吟伴。寄
遠則裝棉。恐後當歌。則得句爭先。亦詩中語若非福與慧兼
才同情擅者。其能兩集編成三公不易也哉。僕桑榆之
景暮矣。通家之誼久矣。初與步江居士韓孟聯交。繼與
雅堂省郎紀羣作友。今歲再遊天台。弭節京口。又得見

蔡氏文姬劉家快婿夔牙並奏孔翠羣翔是有緣焉何其幸也更蒙推許誣諉題詞嗟乎文通夢中之筆久被郭璞追還玉臺新詠之篇敢不徐陵作序

公視奇麗川中丞五十壽序

代

蓋聞兩戒山河江左是歲星所照百年上壽五旬當受爵之初况開府之邦三吳勝地神明之頌萬口同聲則凡身受陶鈞耳親提命者其敢不寫畫錦于屏風奏雲璈于燕寢也哉恭惟麗川中丞閣下雲在絳霄靈鍾丹水年裁弱冠便簪上苑之花官飲秋曹屢擅祥刑之譽內辭郎省外作監司褰帷則劍閣雲開揚旆而桂林風暖江南有福扇仁風者將及十年桴鼓不驚持節鉞者又過三載公之雄才大畧人盡知之公之行事居心伊誰諒之今夫聰明者每失之刻公正者或流于迂警敏者待物少真幹辦者操心多蹙公則容光必照何須察

察爲明著。手成春。不肯沾沾。自喜愛惡。必形于色。使百僚知所從違。成見不挂于懷。故方寸毫無適莫。案牘似秋來之葉。風掃皆空。吏胥踏水上而行。心皆自怯。獄無小大。必與平章。官有賢聲。都膺特薦。憫東征運糧之卒。給賞棉衣。坐南衙清德之堂。別張賓館。劉宏不設從事。而澄鑒如神。包公洞開重門。而關節不到。繫詞曰。惟深也。故能通天下之志。惟幾也。故能成天下之務。公之謂矣。尤奇者。今秋黃河水決高堰堤。危公駕一臨。而風伯回輪。蛟龍避道。適有雲南運銅數巨艦。沉入波中。頃刻金精變成銅壩。抵當風浪。得下芻蕘。公乃捐俸以祀馮夷之神。撈銅而免滇員之累。亦可想見人天協應。福德

兼隆之明效焉。且夫處脂膏而不潤人笑君魚入寶山而空同誰爲王烈。牢盆有例獵較何妨。公乃身署鹽官心遊雪嶺秋毫無染。半菽自甘。凡在旁觀都嫌太過。直至淮西事發而牛奇章簿上無名。都護疎聞而宋廣平殿前獨對。然後知公之高掌遠躡。燭照幾先。此豈中才以下所能企及者哉。然而公猶慊慊然不自滿足也。大行不加鐫木色書生之印。小善必錄藏故人殘稿之詩。謂幕友俟枕漁遺稿交隨閣入詩話。屈八騶而病訣黃堂。聞風者皆爲泣。下謂馮閣遺孤而時遺白鏹感恩者直到泉臺。公待孫春臺撫軍遺孤。庭語傳家義方垂訓。都下郎君之薪水俱有章最厚。程階前執事之紀綱。半通文墨求賢若渴。布衣皆與平

交觀過知仁相士都從格外裘輕帶緩荷禮全除風語
華言拈花微笑諸葛君之張廬設竈盡是經綸謝征西
之置屐裁裙總教得所至于取沐鶴溪邊之箭射必穿
揚製風輪海外之燈光能奪月拈一韻而風入攔筆餽
一藥而貞疾恒瘳此又名臣游藝之餘情菩薩神通之
末節也已今者嶽降台星值趙衰可愛之冬日籌添海

屋折玉會會賦之梅花

公有和高啓梅詩九首

某等身隸旃幪衙

參鈴閣或遠離千里批牒常頒或近侍崇轅光風時接
見王丞相而人人意滿對樂彥輔而个个神清池中欲
舞神魚境內皆生福草分大賢之仁壽活全省之蒼生
恐領東海之觴難效麥邱之祝故陳皇邸當作惺鐘義

不取諛事皆從實此曰立言立功立德儘書十二金
他年杖鄉杖國杖朝再付三千銀簪

恩賜世襲雲騎尉羅漢門縣丞陳君墓誌銘

當鐵雨金風之處。獨標碧血爲國殤。以哦松射鳴之官。忽作鬼雄于海島。人斯忠矣。典亦隆焉。公陳姓諱聖傳。浙之山陰人。曾祖理。慕蘇桓公號大人。有何比干之陰。德官廣西司獄。因寄籍焉。祖廷綸。官按察使。父齊襄。官江西廣饒九江道公。幼而徇通長。尤愴定以乾隆壬午。舉人得鹽場大使。候補福建兩充同考官。助朱衣之點。莫濫齊竿。拔毛穎之錐。共推秦鑑。秩滿例轉知縣。忤上官意。調補順昌丞。仁風不墜。中牟競說魯恭。鸞鳳偶棲蒲亭。頗聞仇覽。中丞徐公命權。知樂縣事。年餘仍調臺灣。丞駐劄羅漢門。檻可觀魚。方靖鯨波。于碧海篇懷寶。

劍竟招殺氣于蠻。蓋不數月而林逆之難作焉。時乾隆五十一年十月也。公奉委守斗六門。斗六門者臺北要區。賊攻甚力。公以枳棘一枝固藩籬于絕域。赤棒二挺。捷戈戟于千山。契箭傳呼。革言三就。葉公免胄。民兒面而心安。子產成列。盜聞風而氣奪。我心匪石。衆志成城。十一月朔。賊大至。豺牙宓厲。雪刃如林。虺毒潛吹。黑雲壓地。公本書生。慷慨作名士。指揮挺丈八之矛。鳴兩甄之鼓。惠施力小。操表綴以臨城。章子才高。變徽章而誘敵。怒喝則雲中雁落。橫揮而刀上毛生。激以義聲。空券皆爲明鏑。置之死地。烏合盡作鷹揚。蓋冠來而却走者。數矣。無如短袖難舞。危條易風。以非堙木刊之餘。當

蟻聚蜂屯之衆。紙鳶信絕。銅馬鳴張。正月二十一日。賊
又至。公自知衆寡不敵。乃鳩村民百餘。分爲兩翼。以便
夾攻。雖一个宜僚。足當五百。而孤身揚僕。難召千夫。矢
射營中。王霸焉能安坐。瘴生壺口。馬援不冀生歸。振臂
而瘡。病雖興。飲血而鼓聲。忽死。或勸公退。公叱曰。吾祖
父世受國恩。此我報恩死義時也。與僕顧景馳二騎
直入賊營。大呼我縣丞陳某。特來諭汝降也。賊怒。橫加
矢石。遂遇害于溝。仔背莊公死時。距王師平壘又十閱
月矣。嗟乎。公之節人盡知之。公之心。或未諒之。當夫矢
盡道窮。勢孤援絕。棄城而走。誰能違責。張巡赴敵而亡。
亦足追風周處。而乃頭可斷。而氣尚雄。口將閉。而聲更

厲不肯公矇寒責尚思操刺成功當時文紀入張嬰之
壘昌黎伏廷滌之軍皆以捐命妖巢收功虎穴使蛾賊
稍爲天誘狗奴不復崖柴則醜類無迷復之凶神聖有
包荒之量不勞天兵于萬里全安海國之羣生公之
功不世出矣無如事合前人而成敗異也氣吞小醜而
聲勢孤也叱馭聲高初效霽雲斷指致身事畢終爲温
序銜鬚嗚呼痛哉公嘗遊會稽山遇道士授一古鏡曰
爾生平事業可于此鑒之後官閩中嘗對鏡嗟吁及渡
海謂家人曰吾明年其死于難乎家人駭問終不明言
是則張悌不去軍中前期早定郭璞自知死日正命爲
難春秋五十有九賊平事聞天子賜葬祭世襲雲騎

尉村人張啟感公生能愛民死能盡節爲石函歛公首
加碣標識故事後得歸元焉嗚呼千里歸來臬卿之髮
尚動一靈不泯先軫之面如生元配邵氏繼配祝氏例
封宜人子廣潤以某年月日葬某銘曰

茫茫海外歎歎陳公原圖保障遽起兵戎惘然神勇絕
不怔忡鳴鞭集衆投筆彎弓微風大隧射隼高墉先庚
未備後甲誰從以死報國含笑從容惜哉著述散失波
中賴有 聖恩恤典優隆千秋綽楔鑒此孤忠

重修錢武肅王廟記

代杭州李太守作

乾隆五十七年亨特承乏紹興敬修東府錢武肅王廟
將王子孫文穆忠懿諸王像配我 聖朝敕封賜祭諸
大典都已詳載矣今年守杭州是王發祥之地而祠廟
頽傾日光穿漏尤非所以宣 國恩慰民望也謹葺治
宏整而爲文以記曰惟王抱囊括八荒之志還守方隅
以保障兩越之功恩畱桑梓金虎嘯而風颺動玉虹起
而雲霧消州領十三世傳一百子南夫也楚圍君哉然
當其時十日並出不見太陽八王興兵誰爲其主外多
銅馬大槍之寇內有貫高蒯徹之謀王雖崛起臨安收
功宣歙而車無兩廣田少一成其何以整頓山河創垂

基業也哉。迹其始末有不可及者七焉。王除夕鼓琴戒
酣長夜深宮易帳費省青繒警枕橫陳耳觸銅丸之響
包山板築身甘運甓之勞能作詩歌斥爲餘事善畫墨
竹不以示人知天步之艱難勉耄期之不倦其勤儉有
如此者。王神勇超羣當機立斷或入海而擒徐約或捲
袖以斬漢宏或假八百以誅黃巢或擁兩藩而備行密
弓張強弩江潮避威文祭靈山海神借地絕域之蠻王
受冊羅平之妖鳥藏聲至今百會亭高奇謀可想三峯
石立羅刹猶驚其雄畧有如此者。王館號招賢殿名握
髮四方之士連袂來歸一技之能芻蕘必采沈崧誇兩
度月宮之到羅隱比千年河水之清胡岳面有銀光驚

呼奇士何逢。陣留戰馬悲憶將軍較之。鑿齒依桓宣武。於襄陽管寧投公孫度於海外事相仿也。禮更隆焉。其用賢有如此者。王除苛解燒捍災恤患才願春服又與冬衣。旣建石塘還加竹籬田撈葑草通水利於五湖風送球船富南琛於四鎮聞謠諫而魚租遽捐於使宅祀蟲天而飛蝗盡墜於江中。禱寶石之山祝羅城之水以老夫之漣漣作赤子之扶扶。世方蹊血以事干戈我且閉關而修蠶織。漢番君惟効忠於主徐偃王不忍鬪其民其惠下有如此者。王蓋世英雄依然本色少年負販不惱抑揄拜老嫗於車前聽喚婆。留富貴唱吳音於酒所教聽內苑宮商石鏡重看王者之冕旒真矣金尊分

散滿村之。父老醺然厚待故人。那有夥涉沉沉之歎。矜
憐。妃子笑唱花開。緩緩之歌。樹披錦以生花。劍倚天而
吐氣。其豪宕有如此者。王生有紅光空聞甲馬。幼能指
羣兒爲隊伍。老猶決勝負。如神明練樓船。則甲滿五千
畜海馬。則廐盈三萬。假使大人虎變。尙父鷹揚。誓蒼兕
以定中原。按黃圖而取天下。作翼漢尊周之舉。必梟雄
斬勒而還土。可繼創業之少康。下可作專征之西伯。而
王乃守老聃之知足。學子產之惠人。不填西湖以待真
主。偶得國璽。便獻中朝。雖風雲進取。非無庾亮之才。而
根本深謀。自愛桓冲之計。稱臣納質。虛而與之。委蛇近
交。遠攻。坐以觀其成敗。惟承順得四境之安。乃專斷行

一王之制其識量有如此者。王家有賢嗣門無雜賓。孔
辟孔愉聞詩聞禮衛青三子。襁褓皆侯神慶一牀象笏
皆滿夢綵繩之闔宅兆徵奕世簪纓。張燈山以對門尤
見天家恩寵魯無篡弑故稱秉禮之邦。周有遺民尙愛
甘棠之樹以小事大本子輿氏之名言。納土如歸得忠
懿王之繼志較之南唐兩姓便唱檀來西蜀十年遽呼
孟入馬氏之衆駒棧闢歸家之九龍帳空判若天淵誰
爲妍醜其家法有如此者。嗟乎五朝泡影國祚幾時十
國沙蟲晉塵若夢惟王壽亭喬松名高渤海石床奉佛
銀鹿弄孫天寶紀元而當時不以爲僭。雞豚徵稅而至
今猶諒其心三節還鄉而恩綸大沛一龍避道而晚節

彌謙玉帶名馬所好存焉鐵券金章榮施極矣然而漢
帝還鄉魂猶戀沛畱侯封爵心尚思韓王生於臨水里
之鄉廟在表忠觀之側謹以 月 日興工以 月

日告竣較會稽棟梁尤加於飾嗚呼丹青式煥何
如鸞手之寫生袞冕端臨尚覩龍神之不睡讀蘇子瞻

之文尚嫌其簡覽皮光業之碣又苦其繁乃爲銘曰

唐帝祚終大王風起武肅桓桓天人來矣日角殊形星

衡異體有能有爲知已知彼能鬪不過得當便止地建

勛州河開德水鐵亦知時鼓能記用字淨斗牛田生仙

米河東寶融西涼張軌一樣忠純九重恩禮才大志小

終身歡喜寵極五朝澤流千禩 聖主南巡遣官致祭

句餌奉牲壇非泰厲昭示來茲安行仁義世世子孫
恩罔替